

p. 84 : 6【身心等病】《大般涅槃經》卷 12〈7 聖行品〉：「云何為病？病謂四大毒蛇，互不調適，亦有二種：一者身病，二者心病。身病有五：一者因水，二者因風，三者因熱，四者雜病，五者客病。客病有四：一者非分強作，二者忘誤墮落，三者刀杖瓦石，四者鬼魅所著。心病亦有四種：一者踊躍，二者恐怖，三者憂愁，四者愚癡。復次善男子！身心之病凡有三種。何等為三？一者業報，二者不得遠離惡對，三者時節代謝。生如是等因緣、名字、受分別病。因緣者，風等諸病。名字者，心悶肺脹，上氣咳逆，心驚下痢。受分別者，頭痛目痛、手足等痛，是名為病。」(T12, p. 435, a11-22) 章安《大般涅槃經疏》卷 14〈19 聖行品〉：「病苦應具四大。但言三者。地大轉動。不如風火。是故略之。雜病客病。即攝地大。」(T38, p. 124, c28-p. 125, a1) 智圓《涅槃經疏三德指歸》卷 10：「經四大毒蛇等者。四大不調。令人至死。喻以毒蛇。貯乎一篋。故一大不調。則百一病起。四大合有四百四病。明其病相。如光明除病品疏文。及止觀病患境。雜病(至)攝地大者。三大不調。冷熱諸病。相雜而起。同依地大也。客病既是強作墮落等。皆損身分。即地大病。經業報等者。宿因招病名業報。現逢惡緣而致病惱。名不離惡對。四時八節遞代變謝。因而起病。名時節代謝。」(X37, p. 488, b3-11) 又有三種得病因緣不同，如《釋禪波羅蜜次第法門》卷 4 云：「一者，四大增損故病。如前說。二者鬼神所作及因魔事觸惱故得病。三者業報所得病。如此等病。初得即治。甚易得差。若經久則病成身羸。治之則為難愈。」(T46, p. 505, c24-27)

p. 84 : -3【五無間業】又名五逆罪，其中前四是身業，後一為口業。造此五罪必墮無間地獄受苦，故稱五無間罪、五無間業。又因殺父、殺母是違逆恩田，其他三種為背逆福田，故稱五逆罪。為何名「無間」？《阿毘達磨俱舍論》卷 17〈4 分別業品〉：「造此業補特伽羅，從此命終，定墮地獄，中無間隔，故名無間。」(T29, p. 92, c21-22) 《大乘義章》卷七舉出四義：(1)趣果無間，此業捨此生，次生直受果，中無間隔之業。(2)受苦無間，其果一劫間苦苦相續無間斷，由果得名，稱為無間。(3)壽命無間，其果壽命一劫無中絕。(4)身形無間，其果之身形遍滿獄中。《翻譯名義集》卷二舉出五無間之說，即：(1)趣果無間，捨身生報故；(2)受苦無間，中無樂故；(3)時無間，定一劫故；(4)命無間，中不絕故；(5)形無間，如阿鼻之相，縱廣八萬由旬，一人或多人，皆遍滿故。地藏菩薩本願經卷上載，此獄以「五事業感」，故稱無間。即：(1)時

無間，指歷劫受罪，無時間歇。(2)形無間，指此地獄縱廣八萬由旬（限量），一切有情於中受苦，其身形亦廣八萬由旬，遍滿此獄。一人亦滿，多人亦滿，無有間隙。(3)受苦無間，諸有情於劍樹刀山、罪器叉棒、碓磨鋸鑿及剝斫鑊湯等，備受諸苦，無有休歇。(4)趣果無間，不問男子女人、老幼貴賤及天龍神鬼，罪業所感，悉同受之。(5)命無間，若墮此獄，從初入時，至百千萬劫，一日一夜，萬死萬生，求一念間暫住不得，除非業盡，方得受生。

《俱舍論》卷十八另載與五逆同類之五無間同類業，即：(1)污母及無學尼，(2)殺正定聚菩薩，(3)殺有學聖者，(4)奪僧和合緣，(5)破壞佛塔。此中，污母及無學尼罪同殺母；菩薩恩深如父，殺住定菩薩罪同殺父；有學、無學聖者同是聖福田，殺之罪同殺阿羅漢；奪僧和合緣，謂使僧離散，故罪同破和合僧；眾人敬佛塔似敬佛，故破壞佛塔罪同出佛身血。

慧沼於《金光明最勝王經疏》，謂依《薩遮尼乾子經》等所載，大乘之五逆為：(1)破壞塔寺焚燒經像，或盜用三寶財物，或教人作、見他人作，心生歡喜。(2)毀謗聲聞辟支佛法及大乘法，言非聖教。(3)逼令沙門還俗，或斷其命。(4)犯小乘五逆之一者。(5)謗無一切善惡業報，長行十不善業；不畏後世果報，自作或教唆他人行十惡業。此大乘五逆又謂複五逆或五根本重罪。～《佛光大辭典》、《中華佛教百科全書》

p. 84 : -1【一中劫】《阿毘達磨俱舍論》卷 11〈3 分別世品〉：「四大王壽量五百於等活地獄為一晝一夜。乘此晝夜成月及年。以如是年。彼壽五百。乃至他化壽萬六千於炎熱地獄為一晝一夜。乘此晝夜成月及年。彼壽如斯萬六千歲。極熱地獄壽半中劫。無間地獄壽一中劫。」(T29, p. 61, c13-18)《阿毘達磨順正理論》、《阿毘達磨藏顯宗論》、《瑜伽師地論》同此說。

p. 85 : 3【魔】梵語 māra。《別行疏鈔》：此云「殺者」，殺修行人智慧命故，此為生死之根本也。略說有四：一、煩惱魔，是生死因。二、天魔，是生死緣。三、蘊魔。四、死魔，是生死果。今言「魔軍」者，即天魔也；「軍」者，眾也，即下鬼神皆魔軍眾也。～本會版 p. 361《瑜伽師地論》卷 29：「當知此中。若死所依。若能令死。若正是死。若於其死作障礙事不令超越。依此四種建立四魔。謂依已生、已入現在五取蘊故。方有其死。由煩惱故。感當來生。生已便有殀喪殞歿。諸有情類命根盡滅。殀喪殞歿。是死自性。勤修善者。為超死故正加行時。彼天子魔得大自在能為障礙。由障礙故。或於死法令不能出。或經多時極大艱難方能超越。」(T30, p. 447, c23-p. 448, a3)

p. 85 : -4【**通明五果**】《華嚴經行願品疏》卷 10：「今但有四：謂一受持。二讀。三誦。四書寫。兼前聽聞。唯舉五行。乃至二字。義攝所餘。言略說功德者。唯說離惡。亦即現報。二是故若人誦此願下。偏舉一行。廣顯眾德。舉一例餘。於中分二：先一句。舉一行。後行於世間下。辨德。具多勝德。不出五果。文分為三：第一通明五果。第二別明淨土果。第三究竟成佛果。」(X05, p. 195, b23-c4)

一**異熟果**：依有漏善不善業所感之異熟無記法。是名異熟果也。因是善惡。果是無記。異性而熟。故名異熟也。

二**等流果**：三性色心等法。由親因緣所生者。是名等流果也。等者同也。流者類也。現行與種子。其性是同類。所熏之種子與能熏之現行。其性亦是同類。後念自類之種子與前念自類之種子。其性亦是同類。是故種子生現行。及現行熏種子及種子生種子。凡此由親因緣所生者。此即名為等流果也。或似先業後果隨轉。此果亦名為等流果。如由殺生得短命報是也。但此隨先業而轉之果。實是增上果而非等流果。特以彼有相似之義。是故假名為等流果耳。云何相似耶？謂由令他命短以致自命亦短。命短相同。故曰相似也。

三**離繫果**：謂依無漏智斷障所證之無為法。是名離繫果也。無漏智是因。無為法是果也。

四**士用果**：謂諸作者藉諸作具所辦事業，此諸事業，即名士用果也。如農夫商賈書畫算數占卜等事，由此成辦諸稼穡等財利等果。此即士用果也。

五**增上果**：謂除前四果外餘所得果。皆名增上果也。～《相宗綱要》(即依「能作因」的增上力所生之果。由於係許多「因」法活動之結果，故亦稱共果。於諸種情況下，增上果為所緣緣、等無間緣及增上緣之果，以此三緣皆屬於「能作因」之故。只要不障礙此法之出現，或與力或不與力，除其自體外，餘一切法皆所謂「能作因」，即以一切法為能作因之體。)～《佛光大辭典》

p. 85 : -1【**一行以例餘**】(1) 有宿世深厚善根故能聞經、讀誦。(2) 以深信心讀誦受持：於如來境界深心信解、甚深勝解現前知見，而讀誦等十法行。(3) 偏舉一行：即是舉一例餘，一行中攝十法行及普賢十大行願，皆在其中。《別行疏鈔》：今但以誦「普賢行願」一因，自然具斯五果。～本會版 p. 363

p. 86 : 3【**增上果**】經文分四：(1) 於世無礙，(2) 聖所稱歎，(3) 人天禮敬，(4) 眾生供養。又，《華嚴經疏鈔》卷 14：「【經】常得天王、龍王…人王、梵王之所守護。恭敬供養。【疏】第八、十王敬護是增上果。【鈔】十王敬護等者。即有力增上。由己具德。令彼護故。」(L130, p. 697, b6-10) 慈舟《行願品親聞記》：「謂誦此行願為因，果上遇一切善惡境，皆使此行願功德增上。」

此果有二：一惡法不能障此行願，故行願得增曰增上。二善法能與行願之力曰增上。又誦普賢行願功德、即善法加增，是與力之增上果也。行於世間，無有障礙者，若誦普賢菩薩十大行願，在世間修行，不為惑業苦三障所障，是不障之增上果也。」

p. 86 : 6【等流果】《別行疏鈔》：今以普賢行願一因，即能感此三十二相也。淨空和尚：誦經之人，以深信心，依教奉行，他就像普賢菩薩，也是普賢菩薩一類之人。慈舟《親聞記》：「等，謂因果相等。因誦普賢行願品，故圓滿普賢菩薩所有功德，速得成就微妙色身，具三十二大丈夫之相。即修普賢因，得普賢果也。」

p. 86 : -3【勝族】慈舟《親聞記》：「勝族，即貴族也。依佛法說，以生佛家，常為佛子，勝他種族，曰勝族。」諦閑《輯要疏》：「言異熟者，非前之現報，乃顯生報也。謂現生雖未，來生即受報；是為異生方熟，乘因感果也。」淨空和尚：要是沒有往生，在這個世間，決定是生人天善道，而在人天當中，一定是生在尊貴之家。佛本願：十方眾生，聞我名字，歡喜信樂，禮拜歸命。以清淨心，修菩薩行，諸天世人，莫不致敬。若聞我名，壽終之後，生尊貴家，諸根無缺。常修殊勝梵行。（會集本：25～27願）

p. 87 : 2【士用果】慈舟《親聞記》：「士即是人，用者力用。如農人耕種工作，所得糧食果報也。約修行說，人以修行功用所得果報，曰士用果。破壞惡趣、遠離惡友、制伏外道，皆誦普賢行願品之力用所得果報。」諦閑《輯要疏》：「謂此人雖非真大士，有大士之勝用，故名士用。」

p. 87 : 5【離繫果】慈舟《親聞記》：「離繫果者，煩惱能繫縛法身慧命；今能脫離煩惱，即離繫縛也；亦誦普賢行願品之善果。」諦閑《輯要疏》：「繫，縛也，即煩惱是。謂誦經功德，任運而能破除煩惱，故云離繫。」《別行疏鈔》：八支聖道者，即八正道也，謂：正見、正思惟、正語、正業、正命、正精進、正念、正定等八也。鑒理無邪曰『正見』；籌慮正義名『正思惟』；無漏語業名『正語』；無漏身業名『正業』；身語無邪為『正命』；如理策勤名『正精進』；順法錄心名『正念』；無漏三昧名『正定』。…通云『正道』者，一則解翻八邪，二則體是聖道故也。「如師子王」等者，師子，獸中之王，一吼之時，眾獸潛伏，行願威神亦復如是。由茲行願，正念現前，乃至成佛，永斷諸惡；故云「如」等。

戒：正語、業、命。定：正念、定。慧：正見、思惟。三學共通：正精進。